



Pou Piblikasyon Imedya: 31/01/2023

GOUVÈNÈ KATHY HOCHUL

GOUVÈNÈ HOCHUL ANONSE PI GWO ESTASYON RECHAJ RAPID VEYIKIL ELEKTRIK NAN SOUTHERN TIER A OUVÈ KOUNYE A

Sant pou rechaj rapid veyikil elektrik ki gen sèz inité pral elaji rezò EVolve NY Otorite Enèji New York la, ki rann rechaj a gwo vitès pi aksesib pou rezidan yo ak vizitè yo

Sant sikilasyon Southern Tier a pral ede Eta a avanse tranzisyon nan direksyon veyikil elektrik, sa k ap redui emisyon polisyon ki soti nan sektè transpò a

Foto yo disponib [isit la](#)

Gouvènè Kathy Hochul te anonse jodi a pi gwo sant rechaj rapid veyikil elektrik aksè lib la nan rejon Southern Tier a ouvè kounye a. Otorite Enèji New York (New York Power Authority, NYPA) la te devlope sit ki gen 16 chajè a nan Hancock Town Hall nan Konte Delaware an patenarya ak Tesla sou Route 17, yon koridò prensipal vwayaj ès-lwès ant Hudson Valley ak Lwès New York. Li adjasan tou ak yon pak pou chen ke vil la jere kote chofè EV yo ka pwomennen ak chen yo pandan y ap rechaje. Sant EVolve NY se yon pati nan efò Eta New York ap fè pou elimine "dezè rechaj rapid" la epi ankouraje devlopman enfrastrikti rechaj publik ki disponib pou tout Nouyòkè ak vizitè yo. Elektrifye totalman sektè transpò a pral ede redwi emisyon gaz ki polye wout eta a epi ede Eta a atenn objektif klimatik ak enèji pwòp li yo k ap mennen nan nasyon an. Gouvènè Adjwen Antonio Delgado, ki te reprezante Hancock lè li te sèvi nan Chanm Reprezantan Ameriken an, te fè anons la nan non Gouvènè Hochul nan Hancock jodi a avèk Prezidan ak Direktè Egzekitif Jeneral NYPA Justin E. Driscoll ak Sipèvizè Vil Hancock la Jerry Vernold.

"Elektrifye sektè transpò a pral pèmèt nou avanse objektif aksyon klimatik solid nou yo", **Gouvènè Hochul te deklare.** "Nou ap priyoreze avni transpò pwòp nou an lè nou enstale pi gwo sant rechaj rapid veyikil elektrik nan Southern Tier - sa k ap ede ranfòse ekonomi enèji pwòp la demen epi estimile Nouyòkè yo pou yo chwazi mòd transpò ki pi pwòp ak pi vèt."

Hancock se yon kominate inovan epi yo te anbrase yon avni enèji pwòp lè yo enstale bank rechaj sa a nan yon zòn ki sitiye santralman kote rezidan yo oswa moun k ap pase yo kapab byen rechaje veyikil elektrik yo. **Gouvènè Adjwen Delgado te deklare.** "Lè

mwen te reprezante Hancock nan nivo federal, se te yon onè pou m travay an patenarya pou konstwi yon avni ki pi dirab. Jodi a, antanke Gouvènè Adjwen, mwen pa ta ka plis fyè de angajman vil la pran pou yon anviwonman ki pi pwòp ak yon ekonomi enèji pwòp."

Nouvo sit rechaj a gwo vîtes la gen ladan uit pò rechaj inivèsèl ki enstale pa NYPA kòm yon pati nan rezo EVolve NY li a ak uit pò Supercharger pa Tesla pou EV li yo. Gwo sit ki byen klere andeyò Hancock Town Hall la kapab akomode nouvo kamyon EV epi li gen anpil espas pakin ak espas pou vire. Estasyon yo fasilman aksesib pou vwayaj EV yo otou Interstate 86 ak Route 17.

Chajè rapid yo tou bòde nouvo Pak Chen Hancock Hounds la epi sit la pral byento prezante tou yon jaden kominotè. Vwayajè yo ka repoze, jwi yon repa, oswa pwomenen ak chen yo, tout pandan y ap rechaje EV yo. Yo pral ajoute distribitè otomatik nan sit la tou.

Vil Hancock te fè patenarya ak NYPA pou konstwi chajè yo atravè pwogram EVolve NY la, k ap kowòdone efò li yo ak Hancock Partners, Inc., ki se yon òganizasyon san bi likratif ki avanse opòtinite devlopman ekonomik nan reyion an. Sit ki te chwazi pou chajè yo te abrite yon fwa rezèvwa petwòl ki te posede pa Standard Oil Co. John D. Rockefeller a. Jodi a sit la siy yon nouvo epòk nan enfrastrikti ki konsantre sou anviwònman, san emisyon ki sipòte yon ekonomi enèji pwòp soti nan yon ekstremite pou rive nan yon lòt.

NYPA kenbe pi gwo rezo rechaj a gran vîtes ki bay aksè lib nan Eta New York ak 118 pò nan 31 sit otou gwo koridò vwayaj yo, sa k ap ede asire chofè EV yo nan New York pa bezwen enkyete yo lè y ap dichaj.

Nouvo Chajè Rapid nan Kouran Kontini EVolve NY yo ka chaje pi fò nan kapasite batri a nan nenpòt ki mak oswa modèl EV nan yon ti tan nan 20 minit. Estasyon rechaj yo, ki sou rezo Electrify America a, yo ekipe ak konektè rechaj rapid—plizyè priz nan yon sistèm rechaj konbine (combined charging system, CCS) ki evalye jiska 150 kW ak de konektè CHAdeMO ki evalye a 100kW—konsa tout veyikil elektrik, ki gen ladan li machin Tesla yo ki gen yon adaptè, ka ploge ladan.

New York ap envesti plis pase 1 milya dola nan veyikil zewo emisyon pandan senk ane k ap vini yo epi Hancock vle kapab pi byen sèvi ak pwofite opòtinite sa a. Anplis EVolve NY, sa gen ladan pwogram sa yo: rabè pou achte veyikil zewo emisyon atravè Pwogram Rambousman Rabè pou Kondui Pwòp (Drive Clean Rebate) Otorite Rechèch ak Devlopman Enèji Eta New York la (New York State Energy Research and Development Authority, NYSERDA) a, sibvansyon pou veyikil zewo emisyon ak enfrastrikti rechaj atravè Pwogram Sibvansyon Minisipal Kominote Entelijan pou Klima (Climate Smart Communities, CSC) Depatman Konsèvasyon Anviwònmantal la, ansanm ak inisyativ "[EV Make Ready](#)" (Prepare pou Veyikil Elektrik), ak pwogram Enfrastrikti Nasyonal Veyikil Elektrik (National Electric Vehicle Infrastructure, NEVI)

Depatman Transpò (Department of Transportation, DOT) la pou ede elaji itilizasyon veyikil elektrik.

Prezidan ak Direktè Egzekitif Jeneral Pwovizwa Otorite Enèji New York Ia, Justin E. Driscoll, te deklare, "Ofri altènatif transpò ki pi pwòp ak pi an sante pou pwochen jenerasyon an enpòtan pou anviwònman nou an ak ekonomi nou an. Sit rechaj rapid EVolve NY sa a nan Hancock se sit ki pi gwo nan rejon Southern Tier la epi li pral sèvi tout chofè EV yo - kèlkeswa kalite machin yo. Fè rechaj rapid, pratik, epi fasil pral ede plis Nouyòkè fè tranzisyon pou kondwi veyikil ki pi ekolojik, sa ki pral amelyore kalite lè nou an nan ranplase machin ak kamyon ki gen pi gwo emisyon ki alimante ak gaz."

Prezidan Hancock Partners, Inc. Emmanuel Argiros te deklare, "Ki pi bon fason pou akeyi touris ak vizitè yo nan Hancock pase pou kapab ba yo resous ki nesesè sa a, pandan vwayaj yo? Komisyon Konsèy Vil nou an ap kontinye travay pou nouvo amelyorasyon enfrastrikti ki enpòtan, ansam ak efò touristik ki avanse davantaj devlopman ekonomik Hancock la nan rejon an, ak nan Konte Delaware."

Rachel Moses, Direktris Sèvis Komèsyal, Vil Vèt ak Devlopman Komèsyal nan Electrify America, te deklare, "Electrify Commercial fyè pou l kontinye kolaborasyon li ak Otorite Enèji New York la pou elaji aksè ak rechaj iltra-rapid ki gen kalite siperyè nan New York. Anplis estasyon Hancock la, n ap sipòte efò EVolve NY NYPA pou ekipe Nouyòkè yo pou tranzisyone nan direksyon veyikil elektrik lè nou bay enfrastrikti ki nesesè yo."

Prezidan ak Direktè Egzekitif Jeneral NYSEG ak RG&E Ia, Carl A. Taylor, te deklare, "NYSEG angaje l pou l sipòte Eta a pou l atenn objektif rediksyon emisyon gaz ki lakòz efè sè li yo. Bay aksè enpòtan pou rechaj EV revele ogmantson adopsyon publik la pou solisyon elektrifikasiyon benefik enpòtan sa a. Avèk lidèchip Gouvènèa Pwogram Make-Ready nou an ap ede kreye yon rezo estasyon rechaj EV solid atravè Eta a, e nou kontan dèské nou te ede fasilité nouvo sant rechaj Hancock la."

Senatè Eta, Peter Oberacker, te deklare, "Opsyon enèji divès se kle nan avni nou epi asire ke tout rejon nan eta a resevwa atansyon egal se youn nan pi gwo priyorite mwen yo. Mwen bat bravo pou Hancock Partners ak Vil Hancock pou vizyon yo ak NYPA pou sipò kontinyèl yo nan pwojè ganyan ki pral devlope enfrastrikti nou an."

Manm Asanble Joe Angelino te deklare, "Mwen kontan wè envestisman enpòtan sa a pote fri. Patenarya publik ak prive sa a pou pote yon estasyon rechaj EV nan Hancock ap prepare nou pou avni transpò a, yon avni k ap rive sou nou byen vit. Dè milye veyikil vwayaje chak jou sou Route 17 Eta New York la, anpil nan veyikil sa yo se veyikil elektrik ki bezwen rechaje. Pou gen yon enfrastrikti rechaj rapid ki enstale se yon tout yon eksplwa, epi mwen kontan li sitiye nan Hancock."

Aileen Gunther, ki se yon Manm Asanble, te deklare, "Mwen kontan ke pwojè sa a fini e ke otomobilis ak rezidan k ap pase nan bèle zòn nou an gen aksè ak yon estasyon rechaj rapid dènye modèl. Estasyon tankou sa a pral ede ogmante aktivite touristik nan

kay nou an epi montre ke nou angaje nan anviwònman nou an ak yon avni enèji vèt. Felisitasyon Vil Hancock epi mwen pa ka tann enpak pozitif sa pral genyen sou kominote nou yo."

Sipèvizè Vil Hancock la, Jerry Vernold, te deklare, "Toujou anavan, nou p ap fè bak. Hancock fyè dèské li fè pati pwogram EVolve NY la. Nou te deja wè plizyè douzèn EV ki itilize estasyon an pandan jou ferye yo. Pandan de tanpèt nèj, anpil moun te rekonesan pou yo gen yon kote ki an sekirite pou rechaje kote yo pa te bloke nan fredi la ak vrèman pèmèt nou pi byen siveye rezidan ak vwazen nou yo. Nou rekonesan pou opòtinite finansman sa a pou nou genyen estasyon rechaj EV sa yo ki sitiye nan kominote nou an. Nou pa ka tann pou nou travay avèk Gouvènè a ak NYPA sou nouvo pwogram yo pou amelyore lavi rezidan vil nou yo ak moun ki vizite tout zòn Hancock New York la."

Eta New York te konstate yon ogmantasyon rekò nan kantite machin elektrik yo vann, sa ki pote kantite total EV sou wout la nan plis pase 127,000 ak kantite estasyon rechaj nan eta a nan prèske 9,000, sa ki gen ladan chajè Nivo 2 ak chajè rapid. Ogmante lavant EV yo pral ede eta a atenn objektif enèji pwòp agresif li a jan sa souliyen nan Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) a. Objektif la se rive jwenn 850,000 machin zewo emisyon nan New York disi 2025. Eta New York òganize 1,156 chajè rapid piblik nan 258 lokal, dapre Sant Done sou Kabiran Altènatif (Alternative Fuels Data Center) Depatman Enèji Ameriken (U.S. Dept. of Energy) an, byenke yo varye nan vitès ant 25kW ak 350kW ki egal ak diferan tan rechaj yo.

Pwopriyetè EV yo ka lokalize chajè piblik yo avèk aplikasyon pou telefòn entelijan tankou [Shell Recharge](#), [Electrify America](#), [PlugShare](#), [ChargeHub](#), [ChargeWay](#), [EV Connect](#), [ChargePoint](#), [EVGo](#), Google Maps, oswa sou [Sant Done sou Kabiran Altènatif](#) Depatman Enèji Ameriken (U.S. Department of Energy) an. Pou yon kat jewografik ki montre chajè EVolve NY yo, klike [isit la](#). Remake byen ke chajè EVolve yo opere sou rezo Electrify America ak Shell Recharge. Yo aksepte kat kredi pou rechaje; san ou pa bezwen abònman oswa vin manm. Gade tout sit EV yo sou yon kat jewografik [isit la](#).

Plan Klimatik Nasional Eta New York ki Alatèt Peyi a

Ajanda klimatik Eta New York la k ap mennen nan nasyon an fè apèl ak yon tranzisyon ki kòrèk epi ki jis ki kreye travay ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 poustan, avèk yon objektif 40 poustan, nan avantaj envestisman enèji pwòp yo ale nan kominote defavorize yo. Gide pa kèk nan inisyativ klimatik ak enèji pwòp ki pi agresif nan nasyon an, New York se sou yon chemen pou reyalize yon sektè elektrisite zewo emisyon disi 2040, ki gen ladan pwodisyon enèji renouvlab 70 poustan an 2030, ak netralite kabòn nan tout ekonomi an nan mitan syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.8 milya dola nan angajman NY Green Bank yo.

Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans 2,100 poustan nan sektè solè distribiye a depi 2011. Pou diminye emisyon gaz ki lakòz efè tèmik ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon yo vann nan Eta a gen zewo emisyon disi 2035. Patenarya yo ap kontinye avanse aksyon klimatik New York la ak prèske 400 Kominote Entelijan pou Klima ki anrejistre ak 100 sètifye, prèske 500 Kominote Enèji Pwòp, ak pi gwo kominote inisyativ siveyans lè kominotè Eta a nan 10 kominote defavorize atravè eta a pou ede lite kont polisyon lè a ak konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)